

Ewi Wāween Aō Kenono Ibben Taktō eo Aō kin Nañinmijin Tuberculosis (TB) eo Ejab Kabobo?

Melele in Kajinet kin Wāween an Rinañinmij Bwebwenato kin Nañinmijin

Kij in Tuberculosis (TB) remaron mour iloan enbwinim iomwin eloñ yiō ilo an jab walok kakōlkōl. Mennin jej nae etan nañinmij in TB eo ejab kabobo. Nañinmijin TB eo ejab kabobo emaron erom nañinmijin TB eo ekabobo jabdewōt ien im kōmman am nañinmij. Ilo ien eo nañinmijin TB eo ejab kabobo enaj erom nañinmijin TB eo ekabobo, TB emaron ajeeded jen armij ñan armij ilo mejatoto. Am jino kenono ibben taktō eo am ej buñten eo kein kajuon ñan kejbarok baamle eo am, ro mōttam, im armij ro ilo jukjukinbed eo am jen nañinmijin elab an kabobo.

Eñin ej jet melele in jibañ ko ñan am kenono ibben taktō eo am kin TB eo ejab kabobo ilo ien taktō eo am juon.

1

Lomnak

Kenono kin Uwōta eo Am

TB ej nañinmij eo elabtata an kōmman mij ibelakin lal in, im elab an loñ armij rej wōt eñtan jen TB ilo Amedka. Eloñ uwōta ko ñan TB innem aurok am kenono ibben taktō eo am kin kin uwōta ko ñan kwe.

Jabdewōt armij emaron bōk TB, bōtab elablok uwōta ñan am bōk TB ñe kwōj:



2

Teej

Melele kin Madmōdin Teej eo

Ewōr ruo kain teej ko ñan nañinmijin TB. Kenono ibben taktō eo am kin teej ta eo emmontata ñan kwe.



Teej in Bōtōktōk an TB

Taktō eo am emaron rōjañ am bōk teej in bōtōktōk ñan TB kinke emaron kōmman ilo ien eo wōt, im elablok an alikar jemlok eo elañe emōj am kar bōk wā eo an TB moktalok. Teej eo ilo bōtōktōk ej joñe an jikin bōbrae eo an enbwinnim bōke kij eo ej kōmman TB.



Teej in Kil ñan TB

Ñan teej eo ilo kil, ej jermal juon nidōl jidikdik ñan likūt jet kobban teej eo ñan iloan kilim. Kwōnaj aikuj rool lok ñan taktō eo am iomwin 2-3 raan ñan lale elañe ewōr nañinmij eo ibbam.

3


Kōmadmōd

Kenono kin Wūno in Kōmadmōd ko Kwōmaron Bōki

Ñe emōj kakōlkōle kwe kin TB eo ejab kabobo, eloñ wūno in kōmadmōd ko an ien kadu im ebidodo kwōmaron bōki ñan jibañ kejbarok am jab nañinmij kin TB eo ekabobo.

Eñin ej jet kajitōk ko kwōmaron lelok ñan taktō eo am kin wūno in kōmadmōd ko kwōmaron bōki:

- Ta jibañ ko ñan bōk jibañ in kōmadmōd ñan TB eo ejab kabobo?
- Ekkar ñan wāween aō mour im melele ko maanlok kin nañinmij ko aō make, ta wūno in kōmadmōd eo kwōj rōjañ aō bōke?
- Ewi joñan ikut in aō aikuj bōke wūno in? Im ewi toon aō aikuj bōke?



- Ta kōmelele ko ñan bōke wūno in?
- Ta abnōnō ko remaron walok jen ad bōke wūno in?
- Jete wonnen wūno in? Injuran eo aō enaj ke kolla wonnen wūno in kōmadmōd eo?
- Ewōr ke mennin jibañ ko ilo jukjukinbed eo remaron jibañ na kin wūno in kōmadmōd eo aō?

Ilo ien kwōjab bōke wūno in kōmadmōd eo, 1 jen 10 armij ro ewōr TB eo ejab kabobo ibbeir renaj nañinmij ilo jeklaj. Jekdoñ ñe kwōj eñjaake am nañinmij kiō, TB eo ejab kabobo emaron erom nañinmijin TB eo ekabobo im kōmman am nañinmij.



Nan am bōk melele ko relablok kin TB im wāween am maron kejbarok kwe make im ro jet, lale www.cdc.gov/thinktesttreattb